

栝  
蒼  
金  
石  
志

栢蒼金石志卷九

嘉興李遇孫金瀾輯 海昌鄒柏森殷甫校補

麗水王倚

忠芝庭廣雲舫

參

麗水王宗訓式之同校

元一

妙真觀碑

據兩浙金石志錄入高廣不計

處州路妙真觀記

明遠宏道冲真葉法師教門高士

冲真觀提舉焚修

兼提點住持妙真觀事何□立石 翰林侍讀學士

奎章閣待□學士申奉大夫知制誥兼修國史虞集

篆額

溯東山水名天下僊翁釋子之居住跨岡巒而掩林  
余被命分閩客金華○華○松洞天其東與括蒼接  
境括蒼山水尤爲溯東冠縉雲之僊都青田之石門實  
神仙窟宅余○州縣皆得而寓目焉○爲括蒼治邑  
唐天師真人修鍊○閱圖誌神邁意往恨未得以  
覽其山水之勝一日公退攜客步○溪○公○筆硯○  
及真人導明皇遊月宮事有客○基仲起而請曰公行  
天下多矣名山大川靈○勝○公○筆硯○  
○○真人修鍊處距邑百餘里其鄉曰宣慈今之冲

真觀卽故宅也地幽□絕丹井猶在鄉□□□東  
北爲善士家□觀一二里愛其山水於觀之西南□□  
□地謂其妻曰□□祠我於□□妻□□□□□  
□十□□□□□□師□□□師□因基而觀□□  
□師山錫□□□其□捐已貲□法施□大門兩廡□  
□□□殿□□□傑閣□堊□□□廳庖廩悉  
按治如法前□隱隱□□□野芳□□□□如  
列屏□□開□□□暮鐘鼓之聲□冲真□□達於四  
境亦一勝概也以鄭□之好善□□□能□財出□  
相與共□□□□咸□□□□世之大手筆夫誰可

爲公幸惠教毋遜余因自慨曰夫神仙□□之事□□  
隱怪聖人所不語余安□□□□□□以□□爲生  
死□□□□滔滔□□昏沈□□欲之海□如龍□高  
馬□游克自樹立爲鄉曲善人者□□□鄭君能自  
□□□爲身後□□□□□醉來夢往忽焉而死  
死而無所歸者固大有徑庭而□□能□□□□  
□□□□□□□□氏香□□□終始可謂生死交  
情無□□□□□□□□□□□□□□□□  
□幽□他日□□□枯蒼□林□□□仙□□廬□□  
□之□□□□□□□□□□□□□□□□少慰□

○之所願○○矣○之基○○名○○嚴氣○○  
○○○○○○○○至元癸未○成於○○○○  
○○○若○○○○○○○之○也師所謂行與道  
○○○○○事者○○○乎○○騎○將軍淵東○○  
○○○○○○記

右碑篆額八字文正書十九行在宣平縣北三里  
大德年建觀久廢今於故址尋得原碑移置慈愍  
菴是碑剝落不可讀有被命分閫語元初兵制無  
考元史兵志至元二十七年江淮行省言浙東一  
道地極邊惡賊所巢穴請復還三萬戶以戍守之

言復還則前已有萬戶府浙江通志載武職有巡  
防海道千戶所至正十五年改防海道萬戶府此  
分間當是萬戶府也似有鄭姓者營此觀面目分  
間爲大手筆當亦聞人惜姓名不可見也

石志

兩浙金

案碑文有至元癸未四字下空一字有成於二字  
今兩浙金石志云大德年建豈觀之建始于至元  
而終於大德歟然徧檢碑中無大德年號是或抄  
錄之誤僻地殘碑未必別有所考也

芝庭

縉雲縣建學殘碑

碑高六尺七寸廣三尺六寸凡十八行下半截剝落  
每行字數不計字徑一寸正書篆額四字兩行陽文  
字徑三寸八分

重建

學記

緡雲縣重建學記

嚴下缺

吾道流行宇宙間有顯晦無存亡在昔學校與

下缺

年學校獨以不墜郡於漢縣於唐迨宋而俎豆絃歌

缺

隨古士皆明經而力於本自唐建

夫子廟宋治平中始建學越慶元庚申凡一百

下缺



行禮榛礫中歲甲申主縣簿吳君樟銳復其故

下缺

勤民以就事吾亦弗爲諸君弟觀厥成廼慮材

下缺

事則鄉丁聽役而滯於官者食而奔走之規置定

下缺

審董其凡簿之子從善與贊助事順而情孚力省而

下缺

于學廼稍束爲學門以別於廟禮也三師以書來

下缺

於質而偏感於物而化斷於邪說誠行而流是以君

下缺

行乎五品皆有以底至善之所止故曰自明誠謂之

下缺

焉周人教萬民而賓興之德行藝皆六里選廢師友

下缺

今不以科目取士士無願乎外正可專意天爵顧

下缺

已程子有言古之學者爲己其終至於成物今

下缺

挽人心維世教扶帝衷民彝有助哉君清謹敦實

下缺

至元二十六年正月十五日

下缺

案碑立於至元二十六年碑文云歲甲申主縣簿  
吳君樟銳復其故甲申爲至元二十一年越五年  
而立此碑郡志縉雲縣主簿有吳璋在至治間距  
至元已三十餘年自非一人然郡志考核未精或  
誤璋爲璋誤至元爲至治亦未可知又案續縉雲  
縣志元主簿有吳璋者下注云建大成殿講堂則  
知卽此吳璋可援碑以正璋字偏旁之誤

芝庭

攷括蒼彙紀縉雲儒學元至元二十七年主簿

吳樟重修梁椅爲記縣志同卽此碑是也據此知第二行應字下當卽梁椅姓名惟書碑篆額人無可攷耳碑末行書至元二十六年正月記稱歲甲申主縣簿吳君樟銳復其故甲申爲至元二十一年據此知學係二十一年重建碑則二十六年所立彙紀及府縣志謂至元二十七年重修者誤也又記稱宋治平中始建學越慶元庚申云云縣志治平中知縣張間翼始建學與碑正合慶元庚申當亦有重修廟學事前志闕如不可攷矣又記有今不以科目取士云云

元史選舉志科目太宗始取中原中書令耶律  
楚材請以儒術選士從之九年八月下詔命斷  
事官朮忽解與山西東路課稅所長官劉中厯  
諸路考試得東平楊英等皆一時名士當世以  
爲非便事復中止嗣後世祖裕宗成宗武宗屢  
詔舉行事皆中格至仁宗皇慶二年始允中書  
省臣之請詔以科舉取士於延祐元年八月舉  
行次年二月會試京師碑立於至元二十六年  
其時科舉之制尙未舉行正與史合梁椅字子  
奇麗水人嘉熙二年進士時甫弱冠早脫場屋

遂潛心講貫力於爲文尤精四六晚歲慕程朱之學編輯遺論名曰論語翼除太常寺丞權禮部郎官見彙紀府志麗水縣志志皆以椅爲宋人考宋史瀛國公本紀德祐二年正月戊子知建德軍方回知婺州劉怡知處州梁椅知台州楊必大皆降據此知椅嘗知處州卽以州降元不得爲宋人明矣此文舊志皆不載無從補正惟彙紀尙存記略附錄於此可與石木參觀略曰吾儒以明善誠身爲學善者人所同也惟囿於質而偏感於物而化囿於邪說誠行而流是

以君師爲之立學卽其性分所自有者開明之  
使發乎四端而行乎五品皆有以底至善之所  
止故曰自明誠謂之教獨慨後世爲士者脩身  
以上之工夫齊家以下之事業方之古愧焉周  
人教萬民而賓興之德行藝皆六里選廢師友  
所切劘惟藝而藝云者又不過文辭記誦以規  
聞達蓋學校壞於選舉久矣吾黨登斯堂也深  
味實體反古變今則簿君茲舉挽人心維世教  
扶帝衷民彝有助哉

縉雲縣志湯成烈果卿跋

謹按原碑祇存殘字十八行大半不能句讀其

誤自何人亦已磨泐不能意擬今觀果卿跋知  
誤文者謂麗水梁椅并附有栝蒼彙紀記畧庶  
辭意班班可攷也 殷甫

松陽鐵鐘款

據拓本錄入不  
計高大圍徑

當院比邱行達同信士武

斌共口信心各抽長財命

工鑄造答報四恩資勲三

有昔至元甲午下元謹題

匠者國清陳成記

右松陽縣鐵鐘坎今在縣西太保廟坎五行行十字末行七字正書範鑄陽文其文詞與宋嘉定間靈鷲山石塔銘一律亦爲祈福追怙而鑄也按元紀至元有二一爲世祖一爲順帝復紀此書甲午乃世祖三十一年也

雲舫

王度書麗水縣廟學碑陰

碑高七尺廣四尺五寸文二十一行行三十五字正書徑寸末另小字二行無篆額

麗水縣廟學碑陰記

古者立學凡養老教子弟學禮合樂射飲受成入告之事皆在焉不顯主於誦讀也舍奠六祭菜三各於其國



之先聖先師爲位行事逮魯祠

孔子漢文翁興學成都作石像圖七十子於壁開元追  
尊素王之道宇象徧天下今廟學擇山其昉于此自令  
尹韓君旣作明德堂百里秀民間風興起前邑尉沈清  
孫邑士林宗高劉起巖諸生服訓尙志相勵具材助剏  
兩序四齋廉訪簽事秋公開而嘉之合同祿在官者聿  
新禮殿尹莅事唯謹克用有成板榦砥礎瓴瓦甃磚稱  
事適用丹漆黝堊之飾咸底于法載考祠制率列門惟  
三間各通道茲顧闕焉坦荒級夷非所以嚴王祀崇聖  
法也廼築廟門外之西偏闢戶峻階完舊益新由

紹定三年所製淳祐改元孟春祇謁先聖就賜國子監宣示諸生

是石宣示諸生下有辛丑小印御書之寶大印

右在杭州府學正書每石四行字徑五寸高宗石經  
趙礪老既刻石于太學理宗紹定五年又以所製伏  
義以來道統贊賜國子監刻之附諸石經之末其遷  
徙並與石經同惟碑序止云伏羲迄于孟子楊一清  
遷石經碑記贊止入石玉海始有道統十三贊之目  
而今所傳與舊數又復不協有武王而無文王大約  
兵燹之餘又經楊禔之致或已毀者或後出者其詳  
不可得聞矣文士贊舊志有之不知石毀何時今補  
錄于此道被南國守正人倫仁政一施必先窮民累

翼小心秉茲德純丕顯大謨萬邦儀刑

宋靈衛廟碑

金祝二太尉廟記

京學司書三山鄭文子撰

儒林郎徽州錄事判官彭一飛書

太尉姓金諱勝姓祝諱威同爲錢唐尉曹總目建炎三年  
己酉鴈月虜雖兀朮侵犯王略闖兵于杭權守安自強拉  
州民避寇赭山城無禦備有錢塘宰苕谿朱蹕鳩鄉丁僅  
二千超餘杭邀擊其前隊民非素練耳目不熟鉦幟宰遂  
陷陣而沒兩太尉集凋兵還據葛嶺編竹覆泥爲塗以禦  
賊越翌日虜騎颺至號蹕踣仆者鱗疊巨斧奮斫橫屍山

委軍聲大振凡木禡魄易數舍退赤山執民爲鄉導由南  
壁入兩太尉猶力護西隅以寡制衆戰久力疲遂遇害鄉  
民具馬革駢塋近郊迺今錢塘門外楊雲洞之右因立祠  
於死所今錢塘門側是也血食一境已踰百禩四時賽祭  
會集居者蒙其祐病者禱而痊無疫癘無歲灾無橫覘神  
之賜也嗚呼擔簦僞爵厚祿受國醜恩一旦嬰變故不能  
仗節守誼者有之冒矢石死封疆殺身成仁亘淪杳冥不  
能歛福錫民者有之生而能爲人之所難爲沒而能盡人  
之所難盡忠精誼槩耿然常存惜時倥偬因以聞于朝者  
有之唐侯琪亦一衛旅耳登會稽之壘飛礮以擲虜首勇  
而無謀荆軻之徒疏封廟食錫榮九原較以誓心勦虜殞

身于城軒輕奚翅鑑石本朝崇尙節誼苟有爲請於大宗  
伯安知不以褒唐侯者褒二神乎余僞寓境內席神休久  
矣熟聞耆舊頌神功行徵之野錄具其顛末以俟勛封之  
訂正淳祐元年中秋日住廟管香火唐文德立勸緣張永  
年沈進臣姜歸孫宗仁御前祔候應建辰鐫

成化十三年秋八月吉日奉議大夫杭州府同知成安李  
果重立儒士夏樛書里人陶讓鐫并篆

右碑在靈衛廟正書二十字行行三十八字篆額四  
字碑爲明成化時重刊書不其工按文祀宋錢塘尉  
曹將金勝祝威皆建炎時死完顏宗弼難者鄉人立  
祠署曰金祝二太尉廟舊志稱淳祐十年賜廟額曰

有闕歟

梁椅記於景定四年按景定爲宋理宗年號作志者誤以爲元之年號刻一元字於

梁椅姓名上故於元代文字絕不搜羅

考郡志職官表元韓國寶至

元中知麗水縣訟理政平百廢具舉重修縣學士子仰而祠之記中所云令尹韓君卽此人王度亦見職官表至元中掌縣學教事學行優長訓誨不倦士皆德之又題名碑云度字憲仲又案碑文有言余卽其陰以書句則知作此記者亦度也

麗水縣釋山廟學自唐元和十三年處州刺史鄴侯李繁經始迄今千有餘年殿廡齋序門塾階級嚴肅崇峻初以爲悉由唐制今觀此碑云云乃知

自元收觀而唐未嘗有此宏規也文言中列二十四棘余按棘卽戟也周禮天官掌舍爲壇壝宮棘門司農云王宿乎陸則築壇壝土爲宮而以戟表門又漢書文帝後六年宗正劉禮次霸上祝茲侯徐厲次棘門孟康曰在長安北秦時宮門也如瀆曰黃圖在橫門外也又匈奴傳云渭北棘門霸上又括地志云棘門在渭北十餘里秦王門名水經注云橫門外郭有棘門又左傳隱公十一年潁考叔挾輶以走子都拔棘逐之註棘戟也則知天子宮門列戟申嚴外衛今學宮亦列棘爲門視王居

也雲舫

# 彭城廟碑

碑高五尺廣三尺三寸文與前後題凡二十四行行三十字正書徑寸石在麗水縣南鄉下劉

## 彭城廟記

彭城廟神劉姓也宋著令神有功績惠利及民宜爵封者州上轉運司司一再口他州詢覈乃奉咸國十年處州狀彭城三神靈迹保義郎錢良佐奉婆檄來詢黨者具言三神伯父二姪以次發靈屢有禦菑捍患之功民蒙惠利婆以復于轉運明年又牒建德府簡僚來覈循令甲也會有故牒留未遣又明年



皇元□命□兵燹固□□神靈滋不可拚按牒云廟在  
巾山今霧溪祖宅之廟蓋大環郡境祠之者□慮百數  
巾山特其始者爾初神宅枕劉岡數傳後惟一子乏嗣  
命姪正學之正弗敢棄基爰作新廟其上霧溪山勢瓜  
□是岡得龍正中世鍾靈異廟爲宜至元十四年冬過  
軍駐麗水邑南室廬率毀廟當道歸存朔南之人益尊  
信廼拓疆鼎牒前宇聳飛位貌嚴肅惟後寢仍其舊又  
北倚山爲堂氣勢尤壯兩廡廣修神佐對幄高閣外敞  
列騎如生諸僑物咸稱地靈啟而穹林日秀發民志聚  
而精氣彌昭明是役也正買地市材爲之倡樂施者亦

于于來不足則又益之私橐始克完方鳩工之初數千  
指爭趨各職職惟恐後輦大木巨石遠郊若駕輿簡雲  
綵歛至流傳異之雨暘斯祈疾疾斯禱官吏若民謁靈  
者益肩駢武接隨厥誠惟影響所在家置像祀歲時紛  
鼓吹奉熏炬造庭咸輻輳不有禦苗捍患之實曷濟登  
茲若口禮經宜在祀典矧從昔有巫實前禋禹易巽九  
二用之紛若吉者儒先謂其誠意通神明今彭城始以  
是而事神終以是而爲神其存也感而通其沒也聚而  
不散茲固誠之形著變化山川靈氣云乎哉  
天道有顯神功孔彰民德神之深

天從民之欲命之申之方隆未艾建德之牘信足徵也  
我祖考世塋距廟伊邇正婁請曰某忝嗣神孫堂構幸  
庠成願有紀以信後余稔聞神德之盛且嘉正純慤忠  
勤紹神不忝於是乎書大德元年歲在丁酉六月甲寅  
日郡人鄭桂高記并書將仕佐郎處州路麗水縣主簿  
吳友中題蓋神嗣孫劉正立石 李明鐫

右彭城廟碑神係劉姓共有三神伯父二姪以次  
著靈屢有禦災捍患之功宋末申請封爵未發元  
初更作新廟郡人鄭桂高記之案宋元之間聽命  
于神鄉曲小廟稍著靈異便舉其人以貢之并有

舉其姓而不知其名者多矣因令甲有申覈請封  
之條小民奔走如狂欲邀朝命以悅神得有封爵  
與身受者無異於是竭貲創造以祈福佑其實皆  
出於虛無恟怳之言事之不經莫此爲甚而甌括  
一帶爲尤盛明初力正之此風漸息又案鄭桂高  
字子山至元十五年曾任麗水學教諭見題名碑  
至作此碑時爲大德元年已越二十年去任當久  
故稱郡人

麗水縣尹韓公生祠碑

碑高七尺廣三尺七寸文凡二十一行行四十二  
字正書徑一寸篆額十字長五寸在麗水縣學

麗水縣尹韓公生祠之記

麗水縣尹韓公生祠之記

元貞丙申秋九月

麗水縣尹韓公建學成明年二月既受代諸生懷其德  
繪像奉祠示不忘也請余記謹按漢史齊祠石相燕社  
樂公皆生以禮事卽其賢行能起人之敬慕況有功於  
名教者哉

廟學自昌黎作碑而名天下後因徙建屬之麗水地陋  
屋庫葺以崇典法隆體貌間數葺治率因陋就簡不能  
出意經畫 公後昌黎五百載來治茲邑首以興學爲

事初講堂之北無餘地求諸鄰得爲丈者脩五廣十有三獨運新智貫石紮基其崇如修之數復捐私帑構巨厦撤舊而新之高明閱爽羣視聳動仕是邦者始輟俸鳩費議作禮殿而公實庇其役卽舊址拓而大視故宇增而高口涖程督凡木金土石之工心畫指授咸聽麾使磚甃版塹丹堊黝漆莫不中度晨入暮歸雖寒暑不懈越三年而殿始成棟宇崇闕圖像嚴顯濟濟穆穆聖道益尊且闢門而三面乎南以挹谿山之秀爲齋者四翼乎外以覽風物之美以至房廡庖廩百爾具備公猶以爲未也又改初樞星門旁挾短垣中通層級環四

隅爲牆餘百丈茨思弗久悉覆以瓦而加之墁精神所  
到表裏纖鉅靡一闕遺繇經始以迄於成壹是公之  
力於戲括學以韓碑增重今而復有韓令尹出任斯  
事造物固有所待而擬斯人也邪公天資峻明深與  
道合爲政知所先後於是舉也盡心力而爲之規樞氣  
勢雄壯軒豁匪直冠他邑且邁往昔厥功可謂大矣諸  
生留像而祠之宜也且求文爲記余語之曰像而祠公  
意且不欲奚庸記有復于列者謂像則存之于目以固  
其心之所敬記則寫其心之所敬使昭昭乎其常在目  
也抑泮水一詩頌僖公能修泮宮首言敬慎威儀惟民

之則至今如見魯侯之像次言允文允武而獻功獻猷者咸在焉夫豈專記修泮之事乎公智謀勇略足以治劇御繁邑介閩要巖險川悍鄰寇氣伏其間公三佐元戎芻糧械器畢給且領偏師出奇而剿平之脅從者悉全活民犯僞禁能發姦如神鄉社警嚴而盜跡屏息至若剏廨舍爲廉使治所編稽戶版考覈公田浚溝池日扞城架浮梁以濟涉辟除道路俾輿轡負任皆履坦利興害除罔不竭盡治邑十年久諳土俗賦平役均獄訟益簡四境之內晏如斯民仰視俯育始知有生之樂究公所抱豈止最一邑哉余請效泮宮之頌魯卽



公之治績牽聯以書 公名國寶字君玉古申人大

德元年八月吉日麗水縣儒學教諭施栗記教諭何南  
一書教諭蔡祥卿篆額耆宿長諭岑峯等立石

右碑篆額十字文二十一行正書在麗水縣學此  
文前述韓公國寶繕緝之周並立祠之旨後述其  
智謀勇略治劇禦繁歷任十年百廢具舉當時崇  
祀既有祠迄今名宦之馨香未已也施栗何南一  
舊志俱不載

兩浙金石志

案施栗何南一蔡祥卿俱見麗水縣儒學教官題  
名碑施栗字德寬下剥落止存二年七月四字何

南一字易初枯人元貞二年五月之任蔡祥卿下

無文 芝庭

處州路教授廳碑

碑高九尺廣四尺文凡二十行  
正書徑一寸額大篆十二字

知州路重修儒學教授廳之記

處州路重修儒學教授廳之記

魯泮宮既脩繼以復周公之宇頌之作所以著其能也  
頌何人哉余友天台童君教處學三年廢必興弊必革  
凡皆職分之所當爲於是廟學嚴整養士出久不得有  
其有者多賴以復廳事故有地侵爲成壘亦二十載而

羸昉於我乎歸郡人范君授江浙學事適在郡有力焉  
 然屋立無壁僅見楹二相對迺收拾官物所餘棟梁榱  
 桷靡或遺又市材於所產以足其用經營塗墍治之如  
 家廳若堂咸有序外作門爲間者五中庭構軒賓以燕  
 好藏脩游息於斯有心日軒豁之適而無欠伸打頭之  
 歎迨更衣膳饗各得所不陋不盈工與夫之直論定而  
 責成焉弗以日會他人處此鮮不乘之爲米廩蠹其口  
 儲廩以共繕脩職教者已足爲賢是役也蓋博冗費以  
 給一不以病口計括人士謂爾來所未有且翕然同聲  
 不遠貽書屬余爲記烏乎士之於學孰不歸而求之有

餘彼放心不求則將失其在我宇宙間事已分內事能盡吾已分所當在我者固自有餘用無待乎其外也不爾之思何在而非牽補架漏其仕也亦直計口需進而已傳舍有無何與我事然則君之能復舊宇亦求其所固有者爲學之道非與以立善榜其廳事於軒曰朋來聖人觀爲善之君子旣審其所以所由而又加詳於其所安先儒有言以善及人信從者衆夫以校官品秩雖卑位貌較餘官則清而高其或失其所以爲高則繫乎人焉君能使郡府知所敬廉訪使者致其扶持推輓之力非有善足以信從能爾耶自昔公論自學校出待久

乃定觀垂去如始至者爲何如君去矣此意續二是在  
來者君名應椿大德五年秋八月十五日翰林口侍講  
學士奉議大夫知制誥同脩國史張伯厚記奉直  
大夫處州路總管府治中李謙書資善大夫處州總管  
兼管內勸農事孟潛篆額前直學葉全之等立石

右教授廳碑元大德五年天台童應椿任教授之  
三年清理舊址收拾官物所餘重建以立善榜其  
廳事於軒日朋來翰林院侍講學士奉議大夫知  
制誥同修國史張伯厚作記奉直大夫處州路總  
管府治中李謙書資善大夫處州路總管兼管內

勸農事孟渚篆額前直學葉全之等立石按此記  
在聖像碑陰然考大德五年爲成宗辛丑聖像刻  
於延祐元年爲仁宗壬子上距辛丑已十二年是  
則此記固刻於前聖像轉因舊石而刻于背今聖  
像碑立於神牌後而此記向壁厯來無人知之余  
因摹聖像而見急拓之然離壁尺許頗難施工書  
法秀整爲元碑之傑出者

右處州學教授廳碑書法秀勁記言古茂文云廳  
事地二十載侵爲成壘元季枯之兵燹荒涼興廢  
於此碑亦可概見觀其修泮宮歸學田廳曰立善

軒曰朋來童君可謂有扶持聖教推挽世風之力也至云校官品秩雖卑位貌清高其或失其所以爲高者則繫乎人焉此亦切實之官箴也童應椿李謙孟酒三人銜名志皆不載按孟酒字能靜漢東人以蔭入官元詩爵里稱其皇慶中厯處州路總管有題高尚書夜山圖詩二首載鐵網珊瑚宋詩紀事以爲趙孟酒作誤矣雲舫

處州路郡學詔旨碑

碑分二列上列大德詔書三段文十七行下列梅宗說跋語并各官銜名凡二十五行俱正書

〇〇十一年五月欽奉

□□一欵學校風化之源人材所出□教官提調官勉勵作養業精行成以供擢用庶係□儒戶雜派差役依例蠲免欽此

大德十一年九月欽奉

蓋聞先孔子而聖者非孔子無□明後孔子而聖者非孔子無以法所謂祖述堯舜□章文武儀範百王師表萬世者也朕纂承丕緒敬□休風循治古之良規舉追封之盛典加號大成至聖文宣王遣使闕里祀以太牢於戲父子之親君臣之義永惟聖教之尊天地之大日月之明奚罄名□□妙尙資神化祚我



皇元王者施行

大德十一年十二月欽奉

詔書內一款興舉學校乃王政之□先爰自累朝教養  
不輟迄今未見成效今後路府□縣正官教官照依累  
降條畫主領敦勸廉訪司常□勉勵務要作成人材以  
備擢用其貢舉之法中書續議舉行欽此

臣宗說竊謂斯文在穹壤間盛衰消長常與世運相關  
欽惟

國朝列聖相承敦崇文治有自來矣

今上龍飛推尊孔氏加以徽號祀以太牢數百年曠典

見于今日猗與盛哉至於章甫逢掖之士免差役議貢  
舉一歲之內

詔旨丁酉先後相繼不惟待以不征且期以有用政以  
吾夫子之道萬世永賴而續斯文之脉開世運之泰者  
將于是乎在記曰三王四代唯其師詩曰樂只君子邦  
家之基詎不信然括自漢侯興學至今號稱多士式際  
明時得藏脩游息於其間盍思所以無負於

聖天子無愧於吾

夫子臣宗說職教是邦欽承

明詔謹鐫諸石以耀無窮

至大二年良月望日處州路儒學教授梅宗說拜手稽首謹書

昭勇大將軍處州路總管府達魯花赤兼管內勸農事  
臣脫鉢

大中大夫處州路總管兼管內勸農事  
臣程周

忠武校尉同知處州路總管府事  
臣瞻思丁木忽必

承務郎處州路總管府推官  
臣王肯堂

承務郎處州路總管府推官  
臣辛昱

徵事郎處州路總管府經歷  
臣鄭玉  
提控案牘兼照

磨承發架閣  
臣陳巨濟

前學正臣黃應元

學正臣楊福祖

前學錄臣張杰

學錄臣錢有祥

同立石

前值學臣王□□

王寄直學臣王天興

臣孫延眠

役

李君起刊

右處州路郡學大德十一年九月詔旨碑麗水縣

學亦有此碑爲縣尹王銓所刊而府學碑多五月

一道

雖年號已剝必大德也

十二月一道并九月共三道爲

教授梅宗說書而刊之有跋有同立石之官脫鉢

等十一人大德十一年爲丁未世祖子成宗在位

已十三年元受命將及三十載國運方盛留意文

教故一歲之中三令五申如此又按成宗卽崩於  
十一年越兩年巳酉爲武宗至大二年始刊此碑

東歐博古齋郭煥春熙堂手鐫

括蒼金石志卷九終

原刻麗水譚學錦校字  
重刊海昌鄒柏森

栢蒼金石志卷十

嘉興李遇孫金澗輯

海昌鄒柏森殷甫校補

麗水王尙

忠芝庭  
庚雲舫

參

麗水王宗訓式之同校

元二

重修麗陽廟碑

碑已斷泐  
高廣不計

重修麗陽廟記

嘉議大夫前福州路總管兼管內勸農事趙鞏篆額

口之北山麗水出焉古白塔廟在其東唐大中九年守  
者審形度勢改今廟塑三神像名以麗陽五百年于茲

矣宋大觀間始加王號初前殿厥後美謚彌加以次俱  
王按祭法山川能出雲爲風雨皆曰神諸侯在其地則  
祭之廟據山川雄峙之勝合禮經祭祀之法其久長宜  
也矧文軌一家百神效職

聖上登

寶位名山大川之祀累頒

詔旨長史欽承惟謹大德五年夏六月德秀來習教事  
巡廉訪使者慮囚因謁廟□前記徵應夢錄旣廼以祠  
宇侈剝不治議增修時同知總管府□亦的勢公慨然  
當其□先是毓靈殿之役嘗鳩財將營前後殿不果公

循舊敦勸不勞而集不足則益以奉秩元侯馬公總侯  
孟公治中李公及推官王公陳公皆相與致力是歲有  
秋民歡趨之後殿悉猶唐故未聞嗣葺至是筵筭得請  
始敢進登度其害改害仍視昔有加工復獻巧倣前殿  
規通前軒爲一脊創明樓□□□倣豁達頓聳觀瞻前  
殿則易其朽腐增甃堅塗翬飛愈壯門之兩塾左憩胙  
賓右居祔祝舊闢戶廡間廼整牕檻遷戶東西門外示  
不敢褻白門外二□□以至應夢之□□外必葺壁間  
圖像咸與維新經始於□□□西越明年二月乙亥告  
成方工之垂成也廉訪使者至自永嘉復經廟下時余



從□視欹者直腐者良卑暗者高明使者曰廟新矣操翰墨以記厥事郡文學職也德秀□不敏未幾郡士復以公意來請時前殿未完輒效王文公語舜曰姑成之吾記無難者繼而以學事質諸神則廟之百役靡有遺公奉省檄出爲之請者日不倦其又何辭惟儒先有言水流山峙其形也而人之□何居氣之流通可以相接也而宇之也何故余嘗疑於是今因而釋之古聖王之制祀也必有尸自尸法廢而神無所依後世像設將古人爲尸之義於是乎在易於萃渙皆以廟言廟以□神靈亦以聚祭者之精神精神聚而不散此神所以爲靈

而人所以有感必應也諸侯能因民所欲而致力於神  
是可書也耆老□後殿之役前守屢欲興神率□□□  
不日成之唐碑所謂必俟末年厚位之賢□寓其跡者  
公之謂與公精敏通晤□□民心嘉政難以枚舉是亦  
其一云若夫神之爲

國爲民靈異不一者前言詳矣茲得以略夏四月己卯  
遂簡馮德秀記郡人鄭桂高書麗水縣達魯花赤抄  
兒赤縣尹□民望主簿李玉典史呂性傳立石掌計  
主虎孫視役許□□趙順卿陳伯順廟吏□嗣□□□  
□□李□刊

右碑篆額已斷存鹿陽記三字文二十八行正書

在麗水縣鹿陽山按鹿陽之祀始唐大中時守徐  
鄧立廟塑三神名以鹿陽在麗水之陽也宋大觀  
時始加王號大德五年總管口亦的勢繕修之越二  
年而歲事卽此碑也文後一段言祭必有尸自尸  
法廢而神無所依又云易於萃渙皆以廟言廟以  
聚神靈亦以聚祭者之精神皆未經人道語最精  
確是爲可書也已趙鞏緝雲人字安國宋浙東提  
管知汀邵二州入元爲福建安撫使厯南劍建昌  
邵武福信五路總管時干戈甫息鞏至一以廉靜

爲先終兩浙運使以征安南功追封蒙城郡侯諡  
懋康 兩浙金石志

右元重修麗陽廟記遂圖馮德秀撰碑文有云古  
聖王之制祀也必有尸自尸法廢而神無所依後  
世像設將古人爲尸之義于是乎在兩浙金石志  
稱之余按亭林顧氏云宋玉招魂始有像設君室  
之文尸禮廢而像事興蓋在戰國之時矣近時屠  
蕤渚學博作聖像考以衢州孔子家廟有檀木聖  
像相傳爲子貢所雕知春秋時已有像設恐不足  
據也碑所云以神無所依而爲之語實精確引易

萃渙兩義亦能貫穿經典宜爲兩浙金石志所推  
許惜馮德秀無考碑云德秀來習教事又述廉訪  
使者曰廟新矣操翰墨以記厥事郡文學職也是  
則處州路之校官也鄭桂高見麗水學教諭題名  
碑 芝庭

右重修麗陽廟記勒於宋郡守葉武子奏免浮財  
物力割付碑之陰文云大中九年守者審形度勢  
余案守者乃姜肅也兩浙金石志誤爲徐邵郡志  
載唐碑文云大中四年齊州刺史徐公戡理處時  
禱雨廟下有應方欲審像壯宇以荅神庥旋卽詔

歸事不克副八年冬知軍州事姜公肅歷令鄭公  
全察踵其事明年春三月始審形度勢夏五月告  
成然則大中四年徐鄆已應詔矣九年之廟乃姜  
肅所立也麗陽山名其北二十里麗水出焉此山  
在麗水發源之南故名麗陽廟居山麓亦因名也  
兩浙金石志又云大德五年總管□亦的勢繕修  
之越二年而歲事則誤指爲大德七年碑云經始  
于□□□西越明年二月乙亥告成酉字上雖缺  
蝕三字以紀元按之酉乃至大巳酉明年乃至大  
三年庚戌也

雲舫

宜尉司石門洞磨崖

六行正書每  
行下俱缺

浙東道宜慰司 下缺

馬含馬欽奉 下缺

馬□過石門觀 下缺

酌泉而去令史 下缺

禿魯侍皇慶 下缺

四日也

右浙東道宜尉司石門洞磨崖在瀑泉後洞中壁  
間下段缺泐皇慶某年無攷

郡學聖像碑

碑高九尺廣四尺上列刻聖像半軀高四尺三寸下列記贊各銜名俱正書徑八分曲阜祖廟真影六字隸書徑一寸五分在像左

曲阜祖廟真影

敬惟

夫子聖人之表天下

廟學皆

像而事之然人貌而天難於模寫清湘

趙公揆世儒來領郡幕出家藏

曲阜真影



盛德之容儼如親炙不敢私秘白之邦

侯敬傳諸石

贊曰

大哉

孔子

萬世所尊

河日隆顙

貌恭色溫

瞻之仰之

聖道以存

寫諸琬琰

爰壽斯文

處州路儒學學錄攝學事蔡升敬書

將仕佐郎處州路總管府提控案牘兼照磨承

發架閣趙□□

承務郎處州路總管府經歷 下缺

承德郎處州路總管府推官 天祿

承務郎處州路總管府推官劉 下缺

承直郎處州路總管府判官 李羅

朝列大夫處州路總管府治中 尙

明威將軍同知處州路總管府事忻 都察

大中大夫處州路總管兼管內勸農事周 克敬

延祐元年五月 日者宿職員郭良知等立石

直學趙若葉俞繼宗盧宗之俞厘眠役

右郡學 聖像碑清湘趙揆來領郡幕出家藏曲

阜眞影傳諸石處州府儒學學錄攝學事蔡升書  
贊延祐元年五月耆宿職員郭良知等立石直學  
趙若蕤等四人眠役尙有照磨經歷兩推官判官  
治中同知及總管八人同出名官銜俱全姓名剝  
落者多惟總管周克敬同知忻都察二人姓名尙  
全也 聖像僅露半軀不錄碑現藏大成殿神牌  
後

重修普昭寺碑

碑高六尺六寸廣三尺二寸文二十二  
行正書徑一寸篆額八字長三寸五分

普昭寺重修碑

普照寺重建大殿記

皇元混一區宇

列聖相承式崇佛教所在名山金碧絢麗盛矣哉皇慶二年春三月三日□□郡耆□□鄉之官民僧道詣福田山普照寺祝

聖主萬壽禮畢徐行廊廡摩挲舊刻時□僧曰巖者□寺之顛末掛余請曰寺始於唐會昌六年後□□額□甲乙□爲十方歲廩簿僧齋復席捲去官賦匱乏徒黨解散宋咸□間寺僧白郡得□仍□舊旣而義建庫院甃塑三真君韋馱天而翼之以樓呂建法堂僧堂刻觀

音像□至園□皆□□迄至元至大間金甌慈卷則建  
僧祠山門兩廡鑿則建鍾臺今蠶復銖積寸累期□明  
呂新大殿莊嚴像塑以竟其事願求一言以垂不朽余  
謝不敢當至延祐改元夏六月□□□成□□請乃  
爲之言曰天下事所以盛衰不常者豈有它哉由此心  
一不一耳心苟一何事不得而□□寺之所以成始成  
終者豈一手足之爲烈然莫爲於前雖美弗彰莫繼於  
後雖盛弗傳□□如顯者踵其後安得黃面老子玉毫  
金色聳動人觀瞻亦卒於行百里者半九十豈不甚可  
惜哉抑嘗憑高遠覽岡巒四合形勢如翔鸞西南諸峯

上蓋霄漢其下大溪橫陳蛟龍之所窟宅而岡北則葉  
真人劍履之所從瘞也往者風塵湏洞環數十里間獨  
恬然按堵非佛地耶因念會昌以前空山間寂樵牧躑  
躑以至於斬刈蕪茸其所以創始者亦勞矣又豈若今  
日朝魚暮鍾梵唄相屬領袖諸峯其輕重攸繫爲何如  
也顯雖生於會昌六百餘年之後而於茲寺實有光前  
之功昔達摩謂梁武造寺以爲人天小果顯更能豎立  
微妙法幢以心印心燈燈相續俾祝  
聖抬提實與

皇圖相爲永久豈特人天小果而已哉是爲記

將仕佐郎處州路儒學教授致仕潘萊撰

資善大夫前徽州路總管兼管內勸農事孟酒書丹  
中奉大夫延平路總管兼管內勸農事韓國寶篆蓋  
延祐二年歲次乙卯住山傳教沙門崇顯立石 柯  
山徐□□□

右碑篆額八字文正書二十二行在宣平縣普照  
寺縣西北一里寺肇始唐會昌繼修于咸酒元至  
大間僧守正等復建延祐元年崇顯告歲事焉縣  
令潘萊記之萊名舊志不載韓國寶至元中曾爲  
麗水達魯花赤百廢具舉大德三年以武略將軍

知台州事在職七年修學宮平冤獄興水利多所  
庇于民見黃巖縣志

兩浙金石志

右重修普照寺碑撰文者乃處州路教授潘萊也  
兩浙金石志謂縣令潘萊記之以教授爲縣令是  
一時誤筆又云韓國寶至元中曾爲麗水達魯花  
赤及觀韓公生祠碑有麗水縣尹韓公建學成之  
句又王度書廟學碑陰稱韓國寶爲尹者凡四見  
則國寶爲麗水縣尹非達魯花赤也按元制以達  
魯花赤掌縣印以知縣爲縣尹掌判縣事處州府  
志職官表不爲分門別類而混列其中故兩浙金



石志亦因志之誤而書也亦當考正雲觚

麗水縣學教官題名碑

碑高七尺廣三尺三寸分五列上記十四行正書徑一寸下四列題名正書徑一寸五分在大成殿階下

毀貞題名

官有題名舊矣邑教雖冷官然一邑所矜式焉可不紀茲學故栢郡學唐刺史李鄴侯勣始也厥後改遷遂以歸之邑韓文公一碑名天下於此乎在曩時邑宰領其事宋之季年始置學世易名湮莫之能紀皇元統一改置教諭二員既而併爲一員今悉以紀于石仍虛其左以俟後至者續焉庶得附韓公以垂不朽

云延祐丙辰十一月庚申天台郊士凱記處州路儒學  
教授曠奎書承務郎處州路麗水縣尹兼勸農事侯王  
題額訓導商天祐學賓鄭澤孫齊長王夢虎王必捷吳  
彥秀姜德秀齋諭祝立祖楊惟佑直學張國寶陳嗣宗  
祝大明等立石

學吏姜德澤職工

章慶雲字際可括人至元十五年正月之任

王益之字明壽括人至元十六年三月之任

鄭桂高字子山括人至元十七年正月之任

葉潛夫字時升括人至元廿六年九月之任

林淵

蔡方

王度字憲仲括人至元廿五年三月之任

王繼周字伯可括人至元三十年

潘子侑

施栗字德寬

何南一字易初 栢人 元貞二年五月之任

蔡祥卿

錢熙字敬之 栢人 大德二年月之任

鄭源孫字景口 栢人

王深道

孫汝霖

楊舜廣字希白 台人 大德七年三月之任

周乘

吳公鉞字元佐 永嘉人 至大二年二月之任

王寄字百里 栢人 至大二年九月之任

童文字潛夫 台人 皇慶元年四月之任

潘韶字子善 栢人 皇慶二年十月之任

郊士凱字有元 台人 延祐二年月之任  
延祐四年四月除兩浙運書史

吳灝字巨源 越人

陳伯戴

右第二列十二人

李焱字德光 永嘉人 天曆二年四月之任

右第一列十四人

貢如珪 字德潤 越人

施大經 字正大 直隸廣德人 由監生嘉

梅昱 字景熙 括人 至正

靖十八年八月

周福孫 字伯順 瑞安人 至

劉錫 字萬年 福建興化府仙遊縣人 由監

潘敬老 字君達 天台仙居人 至

生嘉靖十九年七月初八之任

□上敬 字仲修 越之餘姚人

右第四列二人

劉敬 字中和 江西泰和人 由舉

人 監治十二年十一月之任

征儼

陳誥 字朝錫 福建漳州府南瑞

人 由監生嘉靖十五年十

月十八之任

右第三列八人

右元麗水縣儒學教官題名碑天台鄉士凱記士  
凱是麗水學教諭見題名中故於記中不復叙銜  
書碑之教授曠坐立石之訓導商天祐皆處州路  
教官也尙有學賓齋長齋諭直學諸稱惟直學二  
字見過他碑餘俱未見皆當時俗稱也元共三十  
一人續書者至明嘉靖十九年止僅五人 國朝  
屠君本仁任麗水學教諭曾題名木榜共二十三  
人因乏資故不鐫諸石以垂久遠殊可惜耳又碑

記云韓文公一碑名天下於此乎在此亦指宋時翻刻之韓碑言之若原碑早已無存

右麗水縣教官題名碑自至元迄至正凡三十一人而栢志職官表僅列三人其王度孫汝霖志與碑合惟楊景熙一人碑中無名耳又至正十六年縣學詔旨碑下列叙銜有麗水縣前後教諭三人一爲戴天澤一爲林德元一爲劉彥又有權麗水縣儒學事商衍作記此四人碑皆未題是元季麗水教諭合計有三十六人不止三十一人也故贅於此以冀後之續志乘者得所取證

雲魴

趙文敏書崇福寺碑

碑高八尺五寸廣四尺凡十九行行三十八字行書徑一寸四分篆額九字長三寸五分

處州萬象山崇福寺記

處州萬象山崇福寺記

古教有森羅及萬象一法之所印之說謂一法者指吾靈知不昧之心府也心與萬象虛而通寂而會泯之不雜類之不齊卽一而萬如空合空卽萬而一如水投水非智眼洞明其孰能喻之處城有山屹立闌闕中名萬象形如蓮華下瞰城闔溪流環繞南明蔚其前北原麗其後少微枯蒼梵林仙洞叅錯掩映一郡之偉觀也崇

福寺者建于元貞乙未開山沙門行英號白雲族周氏  
故蘭溪丞之孫也生有夙質長慕空宗郡之文珠尊教  
院乃其肄業之所已而挾策游方徧扣名宿於佛祖不  
傳之旨高詣遠到衆請出世住白雲法會禪刹緇白嚮  
教每慨郡之禪叢不振方來衲子無食息之所刻苦勵  
志乃剏始焉尋而檀戶輸金郢人獻巧輦雄材鞭巨石  
羣夫執役惟恐不先上棟下宇指顧如願奉佛有殿闌  
法有堂禪宴有榻出內有庫崇門丈室庖閭廩庾悉具  
體焉方將塑像俄有僧自西域至者妙出天巧凡釋迦  
闍通應眞及諸像設迥異常倫敬奉



大元帝師遂降慈音乃賜茲額等以甲乙相承質腴田  
二百畝以充食觀能事甫畢復然指節依楞嚴諸了義  
期與羣靈同成正覺延祐乙卯示疾是年八月十五日  
泊然而化閣維齒根不壞度弟子二十餘人凡寺之伏  
臘有所不逮持鉢分衛以繼之遵遺命也囑其律已奉  
衆之法宜依佛制凡禪坐經行毗尼清禁少怠則非所  
以繼承也一日郡侯太中普化慕師遺業慮後之來者  
不能遠繼將立石紀其顛末率其徒可求等持事狀請  
爲文以記之余聞佛道長遠久受勤苦乃可得成然則  
香嚴擊竹太原聞角一歷耳根廓爾禪悟用勤苦奚爲

哉無乃自取法縛于修證之途對曰子徒見其悟之易而不知其未悟之難其忘形骸廢寢食尤甚于沐黍而求解者苟知其難則行可立道可口德可修福可崇矣余復何言時延祐五年歲戊午西天目山幻住沙門明本記後二年正月翰林學士承旨榮祿大夫知制誥兼修國史吳興趙孟頫書并篆額是歲三月望日住山沙門可口立石

萬象山趙書寺記爲處州之文獻余得收羅以歸攷其寺建於元季作於帝師非有古跡名勝之遺可以仰企顧其山川回伏之奇實如記所指陳况

本公司問學淵博其發揚釋理及學釋之覺路皆自身歷心得以來非從耳趨口者比松雪行篆雖未爲得意之作然出自游戲殊無常日束縛惡態亦與山川光焰相發俱可錄也

墨林快事

右碑篆額九字文行書十九行行三十八字在麗水縣萬象山一覽亭內按府志宋何參政初建萬象樓元元貞元年僧行美改爲萬象菴大德十年改今名此郡侯慕師行而乞明本書之也明本號中峯錢唐孫氏子所居號幻住菴仁宗時賜號廣慧禪師錢宮詹云松雪翁以延祐六年夏謁告歸

吳興遂不復出據此碑所題歲月則南歸之後一年也

兩浙金石志

右元萬象山崇福寺記沙門明本撰趙孟頫書時延祐五年戊午先是元貞乙未沙門行英號白雲刻苦勵志乃剏始焉化於延祐乙卯郡侯太中普化慕師遺行乞明本爲文記之書爲子昂名筆故揚者不絕余又思處郡城向名蓮城識者謂舊城在小牯蒼山衆山環簇狀如蓮花故名果爾則今府城不得有此稱矣讀碑文云處城有山屹立闔闡中名萬象形如蓮華下瞰城闡溪流環繞則蓮

城未必不因此而得其名何必定指小枯蒼山哉  
余故拈出之以爲斯城備一說焉碑陰刻明萬曆  
間重建碑屠隆撰郡布衣林芝書書法秀絕故揭  
文敏碑者必兼及之

曹用石門洞磨崖二段

第一段五行行字不等第二段  
七行行字不等俱正書

余於泰定四年六月廿二日來遊

石門觀瀑賦詩酌□□而飲之□□

吏長□□高國也同遊者青田縣令

曹用子成□□鄭原善

復初託

泰定丁卯秋七月縣尹

曹用子成與

本路所委錄事鄭原善

復初奉檄修理工門書院

增復學田竣事而還勒此

以記歲月相是役者司

吏季事葉文炳也

右曹用石門洞磨崖二段在瀑布後陡壁間第一

段依崖石欹斜而勒之故末二行多寡懸絕參差

不齊第三行同字各字書無攷惟青田良山宋鐵  
鍾款有此字然上文剝蝕亦不能意擬第二段有  
奉檄修理石門書院復增學田二事并曹用鄭原  
善二銜名志皆不載按丁卯卽泰定四年前段六  
月者或相時揆工之初後段七月者乃告成覈實  
之時故先有觀瀑賦詩之題而後有竣工紀事之  
勒亦不嫌一歲兩題也

雲舫

景圖縣學鐘款

據捐本錄入不  
計高圖尺寸

遍結衆緣鑄造祝延

聖壽保國安民十方施主增長福田四恩普報三有齊資

夏壽孫化到銅二千文重

葉夢珍化到銅三千重

智鏡 智俊拾鈔一定

幹緣比

元珍元玢

住山必選

泰定四年丁卯歲九月吉日題

右鐘不知何寺故物今在景甯縣廟學余搜輯十邑金石惟景甯慶元二邑碑刻鐘款一無收錄癸



已仲春景雷學博徐曉溪東生始以三鐘款拓本見寄一後至元普福寺鐘款一至正清修寺鐘款一卽此泰定鐘款也惜此款尙有所遺似未全揭而石刻竟無存者蓋景邑本爲青田分縣始於明景泰三年不過一村落耳自元以上安得有古刻之存哉得此三大鐘款亦幸矣

攷景雷縣志李應機文廟鐘註是鐘原係香山後岡極菴物明時菴廢知縣陳嚴之移置縣治譙樓後樓圯國朝康熙十九年知縣劉宗沛移於學宮因原跋未知爲何時故物本景雷志

以攷正

殷甫

東山清修院耆舊僧捨田碑

碑高六尺二寸廣三尺三十二行行六十九字正  
書經五分篆額四行行三字長二寸在景甯縣

東山清修院耆舊僧捨田碑

當山比邛仁山澄寂傾已衣資置到南畝捨入本院常  
住永充

國產所有田段開具千石一段坐落十一都三源土

名墓嶺根計租壹拾叁秤東至坑南至周宅田西至官

路北至潘馬戶宅田上項田爲先俗父葉六四承事妣

毛氏每遇七月十八日迫忌庫司辦簽麵飯饅頭供養

括蒼金石志

卷十

九

請葉千一公千七公千八公百十五公各枝下壹人拈  
香作證 二段坐落十一都三源土名葉山頭山外計  
租捌秤東至梁宅田南至李郎山西至梁宅田北至任  
社長田 一段坐落十四都一源土名董埇計租壹拾  
伍秤東至葉大八郎田南至王社長田西至潘堂錄宅  
田北至任社長田 一段坐落十四都五源土名葉村  
新路下計租伍秤東至葉万十六宣田南至張大九上  
舍田西至本院常住田北至山及官路 一段坐落十  
四都五源土名周坑口計租壹拾秤東至坑南至潘馬  
戶宅田西至張十一宣田北至潘馬戶宅田上項田共

計三十八秤爲先師露巖肅和尙并澄寂每遇十二月  
十二日追忌庫司辦頭食爇麵蒸羊饅饅頭飯供養請  
葉千一公千七公千八公百十五公千十七公千念四  
公各枝下壹人拈香作證 比邨友仁師輔捐已衣資  
置南畝捨入常住所有田段開具于后 一段坐落十  
四都二源土名小洋麻車墘計租壹拾貳秤東至吳教  
授田南至徐宅田西至潘馬戶田北至人行路 一段  
坐落十四都二源土名神道門前計租陸秤東南各至  
潘得三官人田西至潘桂四官人田北至潘從四宣田  
一段坐落十四都三源土名梅莊下演登壇計租肆  
枯蒼金石志

秤東南各至湯宅田西至湯十五公田北至張十四郎  
田一段坐落十四都三源土名下井計租肆秤東至  
人行路南至水井西北各至本院常住田一段坐落  
十四都三源土名吳衝口計租捌秤東至潘司戶田南  
至人行路西至張大一公田北至潘司戶宅田一段  
坐落十四都四源土名寺後埭計租柒秤東南各至張  
千六公山西北各至本院常住田上項田共計肆拾壹  
秤爲先俗父葉八八承事妣王氏每遇六月二十七日  
追忌照前備齋食七味供養請葉千十七公千念四公  
各枝下二人外請王元六解元作證一段坐落十四

都四源土名陳公厝前計租八秤半東至潘馬戶田南至潘得六官人田西北各至潘司戶田一段坐十四都四源土名季畝計租肆秤東至官路南西各至潘七五官人田北至官路一段坐落十四都四源土名季畝計租四秤東南各至毛公田西北各至張敬四宣田一段坐落十四都五源土名葉村前計租壹拾貳秤東至官路并潘司戶田南至坑西至葉八八公田北至官路一段坐落十四都土名葉術計租壹拾秤東南各至山西至湯提領田北至葉六官人田一段坐落十四都五源土名葉術四過計租拾秤東至本院田南

至張公田西至梁宅田北至張公田 一段坐落十四  
都五源土名鄭坑石鑊計租式秤東南各至潘宅山西  
北各至本院田 二段坐落十四都六源土名梅岐庫  
坑嶺共計租五秤東各至季千北七承田南各至坑西  
各至潘五九官人田北各至人行路 一段坐落本都  
六源土名厝坎洋計租伍秤東至鮑郎田南西各至李  
通四宣田北至大溪 一段坐落本都六源土名梅岐  
赤水生根計租貳秤東南各至人行路西北各至水棚  
一段坐落本都六源土名梅岐楊坑口計租陸秤東  
南各至季千北七公田西至潘宅田北至坑 一段坐

落本都六源都土名梅岐石礎邊計租拾肆秤東至潘宅田南至溪西至季郎田北至李秀才田 一段坐落本都六源土名梅岐栗樹灣計租捌秤東至本院田南至張千三四郎田西至潘堂錄宅田北至李大十三公山 一段坐落本都六源土名梅岐王山頭烏石計租捌秤東至坑南至張秀小田北至季郎田 一段坐落本都六源土名梅岐王山頭葉路下計租陸秤柒斗東至季辛十二郎田南至人行路西北各至季辛二郎田 一段坐落本都六源土名梅岐王山頭計租叁秤東至葉進六郎田南至路西北各至季郎田 一段坐落



本都六源土名梅岐王山頭烏石計租拾叁秤東至李  
千三十公田南至崇和尚田西北各至李郎田 一段  
坐落本都六源土名梅岐墓樣根計租壹秤東至季大  
廿一公田南至溪西至本寺田北至李辛二郎田 一  
段坐落本都六源土名梅岐塔根計租二秤伍斗東至  
路南至塔西至溪北至葉郎田 右具田段稞數在前  
先師仁山和尚及法裕先親忌辰已有定式所是師輔  
續置田入常住但取每年清明節日具斛食壹器同先  
師仁山寂和尚一同饌設請俗親葉千十七公千念四  
公枝下各式人拈香作證外請俗姪女婿金全一郎枝

下壹人同共證明師輔生前自收租谷補洗用度歿後  
入塔之後仰每年當該知事輪流收租依例修設毋致  
缺典餘爲供衆修造用度如有不公仰住持覺察同本  
房師子收租公同修造外有沙塆等處田租共計伍拾  
捌秤開具于后 一段坐落本都九源土名沙塆溪邊  
竹園下計租伍秤東至葉千四三公田南至山西至章  
進十秀田北至溪 一段坐落本都九源土名沙塆門  
前望烏鰲計租伍秤東至山南至葉千三一太田西至  
山北至謝郎田 一段坐落本都九源土名沙塆門前  
計租捌秤東至山南西各至葉郎田北至吳秀田 一

段坐落本都十源土名何村後店後洋嶺邊計租陸秤  
東至何秀田南至崇和尚田西至人行路北至林郎田  
一段坐落本都十源土名何村塘下計租拾壹秤東  
南北各至山西至何秀田一段坐落本都十源土名  
何村直畝計租叁秤東西各至山南至龔郎田一段  
坐落十一都十源土名杉樹坳嶺頭計租叁秤東西各  
至山南至坑北至吳郎田一段坐落十一都十源土  
名鄭公屋外計租陸秤東至山南至龔郎田西北各至  
吳郎田一段坐落十一都十源土名鄭公屋前計租  
伍秤東北各至龔公田南至章秀田西至吳郎田一

段坐落十一都十源土名鄭公屋下計租陸秭東至山  
南至章宅田西北各至龔郎田上項田拔與房下徒弟  
比丘俊登俊材俊選俊榮生前逐年輪流收租補洗歿  
後爲各人自己追忌毋得變易謹書此鐫于石以爲日  
後不朽之記耳

昔天曆二年歲在己巳孟春月上元日當山比丘歸  
輔生前立房下師孫守逸書里人雲心陳從鐫

右景邑清修院捨田碑據府志清修寺在縣東唐

咸通二年建則亦古刹也元僧寺之富田連阡陌  
卽此所捨已見一斑而常住田不在內也

碑中號段有至

常住田 景邑元時屬青田所以今止有七都而此云云

碑地段有十一都十四都之目尙在未割疆之前也所指人有千一千七千八甚至有万十六之稱元人好誇大氏族往往有此其中有稱郎者乃男子之美稱有稱秀者乃女子之美稱兩浙金石志曾言之又有馬戶上舍教授司戶提領堂錄等銜而王元六獨稱解元選舉志亦無從考也所云一秤卽一石所以有稱六秤七斗二秤五斗者蓋不成石稱斗次又宣田凡四見大抵卽募田俗稱先田緇流不解字義但取音同耳此碑亦徐曉溪學

博續拓來完好無缺雖僅田址號段無甚關係錄之以見一時風尚如此至今浙東僧寺皆置田產與浙西稍異

重修通濟堰碑

碑高七尺廣四尺記二十一  
行行三十字行書徑一寸

重修通濟堰記

重修通濟堰記

括蒼山郡也南其畝者界乎溪山之間無深坡大澤以禦旱古之人作爲隄堰渠圳以限水盈則放而注諸海涸則引而灌諸田故力農之家無桔槔之勞浸淫之患

枯蒼七縣皆有堰惟通濟一堰灌麗水西鄉之田爲最  
廣在昔蕭梁時司馬詹南二公相土之宜截水爲堰架  
石爲門引松陽遂昌之水入于渠叻中分爲槩暢爲枝  
旁通爲葉穴蔓延周遭百有餘里溉田廿萬畝有畸宋  
乾道間郡守范公奉議克復是堰以田戶分爲三源鳩  
工有規度程有法凡啟閉出內之限靡不詳刊于石歲  
久事弊堰首易如傳舍昔之冗者湮築者潰由是下源  
之民爭升斗之水者不啻如較鎰鉅郡守雖嘗展力修  
治而堰首吝以已私漫不加意至順辛未春 部使者  
中順公按行枯郡諏咨農事覽茲堰之將隳廼諭于衆

曰是堰之作幾數百年矣茲而不復農功益艱於是郡  
長中大夫也先不花公郡守大中大夫三不都公皆相  
率承公意命邑宰卞瑄承務寔董其役度土功慮財用  
揣高口討尋尺斬穢除隘樹堅塞完數日之間百廢具  
舉枯之耆老有曰昔鄭公作渠秦民以富白公繼之漢  
賦以饒今中順公復通濟之堰得非古之鄭白者與  
咸願勒石紀功以垂不朽現歸耕田里聞公偉政故樂  
爲之書公名幹羅思字謙齋高昌人廉明著績累居風  
憲憲史古相王宗善鎮陽魏植濟甯劉鎮皆文士也寔  
贊其事焉是歲二月旣望將仕郎前温州路瑞安州判



官葉現記并書中議大夫前處州路總管兼管內勸農  
事月忽難篆額宣武將軍同知處州路總管府事八哈  
瓦丁承務郎處州路總管府治中怯台承直郎處州路  
總管府判官武居禮承德郎處州路總管府推官張  
承務郎處州路總管府經歷田幹等立石戶曹掾天台  
陳應潤督程 孫宗年梁與可鐫

鄉農葉慧清□□

右元重修通濟堰記作記并書者葉現也篆額者  
月忽難也重修通濟者部使者中順公也中順公  
名幹羅思字謙齋高昌人案郡志記通濟堰事在

宋錄二篇一關景暉詹南二司馬廟記一范成大  
自作通濟堰記略以下直接明記六篇元無存焉  
余屬芝庭親赴堰頭搜尋古刻得葉現此記竊謂  
元祚雖淺然百年中豈無有留心民瘼者闕而不  
書未免疏矣此余所以輯金石志以補志乘之所  
不備爾又案通濟堰誌於宋尚有乾道四年葉份  
記邑宰王昶修造石函事紹興八年趙學老題堰  
規碑陰於元至正甲申項棣孫記邑尹梁順修石  
堰事今石刻無存郡志俱失錄姑附見於此後之  
修志者當取堰志所有補之

青田崇道觀重建大殿碑

碑高六尺五寸廣三尺篆額十二字長三寸五分文與題款二十二行正書徑八分

宮觀洞元山崇道觀重建大殿碑

崇道觀重建三清大殿記

承事郎杭州路臨安縣尹致仕葉現撰并書

承直郎處州路青田縣達魯花赤兼勸農事李蘭

奚篆額

青田園鶴洞天名著道家書扶輿淑氣至人間出自青牛道士鍊丹其間而卯山真人父子亦嘗蒞止至今浴丹井點易窗遺跡尙班班在唐天寶初里人朱府君昆

弟捨宅爲觀賜額崇道宋宣和辛丑燬于寇越三十有  
四年觀主趙處裒始復其舊山去邑治不半里混元峯  
擁其後石龜山翊其左龍岩披雲諸峯聳其前蔚爲仙  
聖宅游觀之勝也已予猶記少時獲從老成先生屐齒  
後亭館繫脩竹樹茂美坐盤石挹寒泉棋聲琴響迴脫  
塵境使吟者忘句而遊者忘歸也山川神靈赫奕昭著  
鄰邦遐壤奉香幣而來歛謁者不絕於數百里之外幡  
蓋華幢光映林谷鐘鼓噌吰聲落闌闌亦一時之盛哉  
歲月滋久藩拔級夷道家者流役役於神仙之官府以  
故觀益弊而三清殿最先圯至元辛卯前住持真常明

遠大師劉道紀以原計單薄未能經營旋買民居樓屋  
三間以奉

眞旂顧規模偏陋弗稱觀瞻未久復廢迨延祐丙辰又  
二十有六年前提點養素凝和冲靖法師陳元徽誓捐  
衣資發揚擇良工掄美材與住持提點洪懷玉重建大  
殿規制視舊有光眸容穆清仙真翊衛霓旌絳節森列  
後先金爵觚稜丹碧飛動舊觀頓回道俗歸仰其徒陳  
建孫洪以聞劉宗伯等咸願立石請予識其興復之歲  
月予旣嘉養素之善治而又欲勉其後之善繼故爲作  
詩以勸之詩曰

元鶴洞天 丹崖鬱隆 有赫清都 化人之宮

山川孕秀 神靈所鍾 仙伯幽人 鍊蛻虎龍

丹井泉寒 易窗露濃 雲裾霞裳 襟佩瓏瓏

五百年來

道教日崇 歲深□□ 蘇刺苔封 鐘魚寂響

笙鶴收容 鬱羅蕭臺 萬道攸宗 爾臣爾民

歲祝

華嵩 捧薌歷階 疇敢不恭 小兆臣微

夙慕元風 倡誼捐資 諏日儔功 雙礎蟠蛻

脩梁耳虹 金闕寥陽 照耀青彤

三境高居

列眞景從

萬目瞻依

有慶其逢

事

天依誠

事

君依忠

我爲此詩

相其鼓鐘

至元三年歲在丁丑五月庚申日記

下缺

右青田縣崇道觀碑爲葉現撰文葉現字景龍麗水人南陽侯葉琛之弟其文章書法冠於一時當時金石文字皆出其手

東甌博古齋郭煥春熙堂手鐫

栢蒼金石志卷十終

原刻麗水譚學鎔  
重刊海昌鄒柏森校字